

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CXLVI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

animarum Salutem in Domino promovendam , ad Castrum nostrum Villingen pro recipienda & edificando ibi domo, ad usum vestri Ordinis, velitis transmittere propter Deum. Ut autem petitioni nostræ in hac parte favorabilibus annuatis, tenore vos presentium securamus, quod omnia jura & Libertates, sive statuta & consuetudines vestri Ordinis favore benivolo prosequentes, in nulla unquam parte ledemus, vel minuemus, & quantum in nobis est bona fide omnia illibata custodiemus, & observabimus, & faciemus a nobis subditis observari. Omnes etiam areas in eadem villa habitas & habendas pro vestris edificijs construendis damus in perpetuum omnimode Libertati.



CXLVI.

HENRICI COMITIS DE VÜRSTENBERCH ET UXORIS
EJUS AGNETIS CHARTA LIBERTATIS NOVO FRATRUM
MINORUM IN VILLINGEN MONASTERIO
CONCESSÆ.

ANNO MCCLXVIII.

Ex Archivo Fürstenbergensi.

Universis prefens scriptum inspecturis H. Comes de Vürstenberch salutem cum notitia subscriptorum. Que aguntur in tempore ne labantur cum tempore, litterarum solent testimonio confirmari. Noverint igitur presentes & posterj, quod Nos & Agnes Uxor nostra Comi-

tiffa, cultum Dei ampliare cupientes, pro nostra & noſtrorum predeceſſorum ac ſucceſſorum ſalute, Fratres minores vocavimus cum multa precum Inſtantia ad Villam noſtram Vilingen, conſenſu & petitione civium dicte ville comunitè accedente. Obligantes nos eiſdem Fratribus tenore preſentium, & aſſecurantes, quod omnia jura & libertates ſive ſtatuta & conſuetudines ſui ordinis, favore benivolo proſequentes, in nullo unquam parte ledemus vel minuemus, & quantum in nobis eſt, bona fide omnia illibata cuſtodiemus & obſervabimus, & faciemus a nobis ſubditis obſervari. Omnes etiam areas in eadem villa habitas & habendas, cum via inter murum noſtre Civitatis & ipſis areis contigua, pro ſepediſtorum Fratrum habitatione neceſſarias, damus in perpetuum omnimode libertatj. Et ut hec firma & illibata permaneant, preſentes litteras munimine Sigillorum noſtrj ac dictorum Civium roboramus. Datum in prenotata Villa Vilingen, Anno Domini M. CC. LXVIII. Dominica prima poſt Octavam Epyphanie.

(L. S. penſilis.)

(L. S. penſilis.)